

**ԱՆԿԵՐՏ ԽԱՉԱՏՐՅԱՆ, ԱՐԱՐԱՏ, ԵՐԵԱՆ, «ԱՐԱՄԵ» զԻՏԱՄՀԱԿՈՒԹՅԱՅԻՆ
ԲԱՐԵԳՈՐԾԱԿԱՆ ԸՆԿԵՐՈՒՄԻՅԱՆ ՀՐԱՏԱՐԱԿԼՈՒՅՈՒՆ, 1995, 480 էջ:**

Անկախության հռչակումից ու հայոց պետականության վերընձուղումից հետո, անցած այս կարճ ժամանակամիջոցում հայրենասիրական մի շարք նախաձեռնություններ են սկզբնավորվել: Դրանցից մեկն էլ «Հայաստանի Հանրապետության բնակավայրերը» մատենաշարի հիմնադրումն է: Այդ մատենաշարով այսուհետև պարբերաբար տպագրվելու են Հայաստանի ու հարակից շրջանների հայաբնակ գյուղերի ու ավանների հավաստի պատմությունը վերհանող գրքեր: Դրա լավագույն առհավատըն է մատենաշարի անդրանիկ գիրքը՝ Այրերտ Խաչատրյանի հեղինակած «Արարատը», որը լույս է բնծայել «Արամե» զիտամշակութային բարեգործական ընկերությունը: Այն նվիրված է մեր հանրապետության խոշորագույն գյուղերից մեկին՝ Արարատին, որը գտնվում է նույնանուն շրջանում, Երևան-Նախիջևան երկաթուղու վրա, մայր Արաքսի ձախ ափին, բիրիկական Մասիսների հովանու ներքո: Արարատը Երևանից հեռու է 42, իսկ Վեդի շրջկենտրոնից՝ 14 կմ: Ունի 5595 հեկտար տարածք, որից 813-ը վարելահողեր, իսկ 1664-ը արոտավայրեր են: Բնակչությունը 1994 թ. դրությամբ եղել է 7950 մարդ, որից 7519-ը հայ, 600-ը եզդի, 10-ը ռուս և 1-ը գերմանացի: Արարատցիները հիմնականում զբաղվում են այգեգործությամբ, բանջարաբուստանային կուլտուրաների մշակությամբ և անասնապահությամբ: Գյուղն ունի նաև խաղողի հարուստ այգիներ: Այստեղ անցյալում դրաղվել են նաև բամբակի մշակությամբ: Նրա շրջակայքում են Արարատի ցամաքային-շիջերի դժբերական ու ոսկու կորզման ֆարքիկան և այլ հիմնարկ-ձեռնարկություններ: Այստեղ է գտնվում նաև Արարատի գինու հանրահայտ գործարանը: Գյուղի շրջակայքը հարուստ է տրավերտիններով ու հանքային ջրերով, այստեղ կա օնիքսային մարմարի հանք, որի մշակումից տեղում ստանում են դեկորատիվ սալիկներ:

Արարատ գյուղի հիմնադրման թվականը «Հայկական սովետական հանրագիտարանում» նշված է 1828-ը (հ. 1, էջ 693): Այս տվյալը հրքել է Ա. Խաչատրյանը և բազմաթիվ փաստերով հաստատել, որ գյուղը գոյություն է ունեցել դեռևս վաղնջական ժամանակներից: Հեղինակը շատ այլ փաստեր էլ է ճշգրտել, որոնք վերաբերում են Արարատի տարեգրությանը: Գյուղը հիմնադրել է Օհան անունով մի շինարար, որն իր երեք որդիների հետ եկել է Ակոռիից ու բնակություն հաստատել այստեղ: Գյուղի հնագրքային գերեզմանոցում մինչև այժմ պահպանվում է մի մատուռ-ուխտատեղի, որը կռվում է նրա անունով: Մատուռում էլ մի հին շիրիմ, վրան՝ տապանաքար, դա Օհանի գերեզմանն է: Արարատի առաջին անունը, ըստ ավանդությունների, եղել է Օհանաշեն, ապա անվանվել է Մարտակերտ: Իսկ XVIII դ. գրավոր աղբյուրներում այն արդեն հիշատակվում է Դավալու անունով, ուր բնակվել են միայն հայեր: Այդ է վկայում գյուղի՝ մինչև այսօր պահպանված առաջին գերեզմանատունը, որի տապանաքարերի վրա կան խաչեր և հայերեն գրեր (էջ 17—19):

Իրանի Շահ-Աբաս արքայի հրամանով 1604 թ. Արարատյան նահանգի և բազմաթիվ այլ գավառների հայությունը, այդ թվում և Արարատ գյուղի բնակչությունը, ենթարկվում է բռնագաղթի: Սակայն շուտով գաղթի ճամփաներից փախած բնակիչները վերադառնում են իրենց հայրենի գյուղը և շարունակում ապրել այնտեղ: Հետագայում՝ 1604—1828 թթ. միջև քնկած ժամանակահատվածում, գյուղում հաստատվում են նաև թուրքեր: Նրանք էլ գյուղը (Մարտակերտ) վերանվանում են Դավալու: Կա այս անվան ժողովրդական երկու բացատրություն. առաջինը կապվում է թուրքերեն դավա-ուղա բառի, իսկ երկրորդը՝ դավալի-կովի ու վեճի վայր հասկացության հետ: Թե ո՞րն է սրանցից հավաստին, դժվար է ասել: Սակայն մեզ թվում է, որ ժամանակին այստեղ զարգացած է եղել ուղտաբուծությունը, և գյուղի անվանափոխությունը կատարվել է դրա հետևանքով: Նույնը պնդում է նաև գրքի հեղինակը:

1828 թ. ռուս-թուրքական պատերազմից հետո Մակոռի և Մուշից ներգաղթում են 40 ծուխ հայեր և բնակություն հաստատում Դավալուում: 1831-ին, ըստ Ի. Շոպենի կատարած մարդահամարի տվյալների, գյուղն ունեցել է 633 հայ բնակիչ և երկու թուրք ընտանիք: Հետագայում շատ աղետներ ու փորձություններ են անցել գյուղի գլխով, սակայն այն միշտ

մնացել է հաստատուն և երբեք չի ընկրկել օտար բռնակալների առջև: Դավալուն թուրքական բազմաթիվ արշավանքների ընթացքում հաղթանակով է դուրս եկել, և նրա քաջարի բնակիչները կրեք լեն լեբլ իրենց հայրենի բնակավայրը: Այն, փաստորեն, հարավ-արևելքից Արարատյան դաշտ մտնող և դեպի Երևան տանող ճանապարհի առաջին ամրակուղ դարպասն է եղել, բոլոր երեք լեն կարողացել բացել թուրք բարբարոսները (էջ 23—28):

Խորհրդային կարգերի օրոք, 1935 թ. հունվարից, գլուղը գտնում է իր իսկական անունը: Դավալուն անվանվում է Արարատ: Անցած տասնամյակներում շատ բան է փոխվել Արարատում, գլուղը հզորացել ու շենացել է և այսօր դարձել է մի գեղեցիկ ավան՝ իր քաղաք-արվարձաններով: Գլուղն այժմ ունի երկու միջնակարգ և մեկ ութամյա դպրոց, մշակույթի տուն, ակումբ, դրազարան, բուժկայան, մսուր-մանկապարտեզ, կապի բաժանմունք, կենցաղ-սպասարկման բազմաթիվ ծառայություններ և այլ օբյեկտներ, որոնցում աշխատում են հարյուրավոր արարատցիներ: Հնուց ի վեր Արարատը տվել է բազմաթիվ անվանի մարդիկ. գիտնականներ, գրողներ, արվեստագետներ, բժիշկներ, ուսուցիչներ, ինժեներներ, բարձրաստիճան զոքականներ, ռազմական գործի գիտական և այլն, որոնք սրբություն մը ու հպարտություն մը են պահել իրենց ծննդավայրի անունը և սիրով ու անմնացորդ նվիրումով ծառայել հարազատ ժողովրդին:

Հայրենասիրական մեծ աշխատանք է կատարել գրքի հեղինակը՝ Ա. Խաչատրյանը, որը կարողացել է վաղնջական ժամանակներից մինչև մեր օրերը գեղարվեստական պատումի լեզվով հյուսել հայրենի գլուղի հարուստ պատմությունը: Երկար տարիներ լինելով Արարատի դպրոցի հայոց լեզվի և գրականության ուսուցիչ, ապա՝ նաև տնօրեն, աշխատանքից ազատ ժամանակ նա հանդիպումներ է ունեցել գլուղի տարեց մարդկանց հետ, գրի առել նրանց պատմած ավանդություններն ու հավաստի պատմությունները, հետադոտել է հնա՝ ալբերն ու ուսումնասիրել արխիվները, կարողացել պատմական ու գեղարվեստական հարուստ դրականություն և այլ ամենի միջից բառ առ բառ, տող առ տող հավաքել ու ի մի է բերել հայրենի գլուղին վերաբերող տեղեկություններն ու փաստերը: Եվ այդպես, նրա տասնամյակների մեղվաչան աշխատանքը տվել է ցանկալի արդյունք. այսօր մեր սեղանին է Արարատ սովորած և հայրենասիրական այդ գրքում մանրամասնորեն տրված է Արարատ գլուղի անցյալն ու ներկան: Այն կարդացողը շատ բան էիմանա այդ գեղատեսիլ բնակավայրի ու նրա մարդկանց մասին: Արարատը, ընկած լինելով Հայաստանում անցնող միջազգային երկու գլխավոր ճանապարհներից մեկի՝ Հյուսիսային մայրուղու վրա, իր գոյության ընթացքում վկա է եղել բազմաթիվ մեծ ու փոքր իրադարձությունների: Աստուղ մամանակին հյուրընկալվել են անգլիացի ճանապարհորդ ու դիվանագետ Զեյմս Մորիսը, գերմանացի դիվանագետ Ֆրեյդմանը և ճանապարհորդ Մորիս Ֆոն Կոցերուն, չրիտանական բանակի գեղապետ Զոն Զոնսոնը, ռուս գրող ու դիվանագետ Ալեքսանդր Գրիբոյեդովն ու գերմանացի երկրաբան Հերման Արիսը, իսլաետուր Արովյանն ու Բաֆֆին և վերջապես մեր դարում՝ Ալեքսանդր Մյասնիկյանն ու Անաստ Խանջյանը և շատ ուրիշներ: Ժանապարհորդներն իրենց նոթերում հետաքրքիր ու արժեքավոր շատ տեղեկություններ են թողել գլուղի մասին: Գիրքն ընթերցելով՝ կարելի է ծանոթանալ դրանց: Նրանում կարելի է գտնել բազմաթիվ տեղեկություններ, որոնք հարըստացնում են ոչ միայն Առաջառ գլուղի, այլև Արարատյան աշխարհի պատմությունը: Հեղինակը մանրամասնորեն տալիս է գլուղի ծագումնաբանությունը, երկրագործական մշակույթը, անդրադառնում է աղյուսի սովորույթներին, կենցաղալարությունը, հոգևոր կյանքին ու հավատալիքներին, ժողովրդական բժշկությունը, խաղերին ու զրուցավարությունը և շատ այլ բնագավառներ: Ծերկայացվում են նաև գլուղի տեղամասնությունը, նշանավոր մարդիկ՝ իրենց աղյարանությունը: Նրանց գործունեության ոլորտները և այլն: Այդ ամենն այստեղ հնարավոր է մեկ առ մեկ թվարկել: Հեղինակն իր ասելիքը ավելի հավաստի դարձնելու նպատակով դրոմ բերել է մի շարք աղյուսական ու ցուցական գլուղի ծխերի, մարդկանց դրադմանքի և ունեցվածքի, մարդահամարների ու հողարածանումների վերաբերյալ, որոնցից վերջինը և ամենաճշգրտվածը վերցված է գլուղի տեղագրի 1934 թ. ծխամատյանից: Նա գրի է առել նաև գլուղում տեղի ունեցած դեպքերի ու անցքերի պատմությունները, առանձին մարդկանց մասին հորինված ծիծաղաշարժ գրություններ և այլն:

Գրքում առանձին գլուխներով ներկայացված են Հայրենական մեծ պատերազմին արած րացիների մասնակցությունը, 1937 և 1948 — 49 թթ. ստալինյան բռնությունների և քսորի դեպքը, գլուղի մարդկանց աշխատանքային սխառնները, մշակույթն ու կրթչայները: Հեաաաթթություն մը է ընթերցվում նաև «Գրական կյանք» բաժինը, ուր գետեղված են հայրենի գլուղի ստեղծագործողների հակիրճ կենսագրականներն ու նրանց բանաստեղծությունները: Այս

ամենում ևս տևանում ենք հեղինակի քննախույզ հայացքը, նրա վերլուծելու և ընդհանրացնելու կարողությունները: Օրինակ, ճշգրտելով դպրոցի հիմնադրման հետ կապված մանրամասնությունները, հեղինակը գրում է, որ 1893—1895 թթ. այստեղ ավագ ուսուցիչ է աշխատել Աթարևիկ Խնկոյանը, որը շատ բան է արել դպրոցի կազմակերպման և գրադարանի հիմնադրման համար: Ի դեպ, այդ կարևոր փաստը, որը կարող էր բրնձնել մեծանուն մանկագրի կենսագրական տվյալները, ուրիշ ոչ մի տեղ չի արձանագրված:

Գրքի վերջին հրկք գլուխները, որոնք կրում են «Վերադարձ դեպի 1918—1923 թվականներ», «Հայոց վերքի բալասանը» և «Մահ իմաքյալ...» խորագրերը, նվիրված են մեր օրերի ազատագրական պայքարի ու Արցախի հիմնահարցի լուծման գործում արարատցիների ներդրած շանքերի վերահամանելու: Կարգալով այդ էջերը՝ իմանում ենք, որ գեղեկ 1988 թ. ամռանը Արարատում ստեղծվում է մարտական ջոկատ, որի շնորհիվ անառիկ են մնում Սրապիսավանի ու այլ սահմանամերձ գյուղեր: Զոհատը մշտապես համալրվելով՝ շուրջ հինգ տարի խիզախորեն մասնակցել է Արցախում ու Զանգեզուրի սահմանամերձ շրջաններում տեղի ունեցած ազատագրական պայքարի ու Արցախի հիմնահարցի լուծման գործում արարատցիների ներդրած մարտերին: Այդ սուրբ կռիվներում զոհվել են շատ արարատցիներ, որոնց կյանքն ու քաջագործությունները նկարագրված են գրքում:

Ա. Խաչատրյանի գիրքը հարուստ է նաև լուսանկարներով: Անցյալն ու ներկան շաղկապող մի քանի տասնյակ դիմանկարներն ու խմբանկարները, գյուղի պատմական հուշարձաններն ու մերօրյա կառույցները վերահանող մյուս պատկերները ավելի ևս հարստացնում գրքի բովանդակությունը և այն դարձնում հետաքրքիր: Այն ունի ընդարձակ առաջարան, որի հեղինակն է մատենաշարի հիմնադիր Վ. Հարությունյանը, ինչպես նաև ուսերեն ու անգլերեն ամփոփումներ:

Առդյոք լեռնաբնակներ լուսին՝ Ա. Խաչատրյանի գիրքը, Խհարկև ունի: Ավարտին չի հասցվել դյուղի առհմադրությունը, քիչ տևել է հատկացված գյուղի վերջին տասնամյակների կյանքին ու առօրյաին, առանձին նյութեր մնում են թերի, դրան հակառակ, որոշ նյութեր էլ անհագրկի ձգձգված են: Ցանկալի կլիներ, որ նրանում նյութերը դասավորված լինեին առանձին բաժիններով՝ ըստ բնագավառների ու բովանդակության, որը կհնչտացներ դյուղի մասին անհրաժեշտ տեղեկություններն անմիջապես քաղելու: Դրանք ցրված են գրքի տարբեր էջերում, տարբեր խորագրերի տակ: Մնում է հուսալ, որ գրքի երկրորդ հրատարակության ժամանակ կուղղվեն ու կշտկվեն այդ թերությունները:

Ավարտելով մեծ խոսքը՝ նշենք, որ ազգի սրբազան պատմությունը յուրաքանչյուր մարդու համար ոկսվում է իր հայրենի տան շնմից: Ամեն մի բնակավայրի պատմություն հայրենիքի պատմության մի մասն է, նրա հետ ձուլված, նրանից անբաժան: Իր հայրենի տան մասին մի այդպիսի գեղեցիկ պատմություն է հյուսել վաստակաշատ մանկավարժ Աթերտ Խաչատրյանը, որը զալիս է ձուլվելու մեր բոլոր տների, մեր ժողովրդի պատմությանը, որը կոչվում է Հայոց պատմություն:

Այսպիսով, մատենաշարը իրականություն է դառնում, առաջին և ամենահամարձակ քայլը կատարվել է, մնում է վստահորեն շարունակել ճանապարհը և ընթերցողի սեղանին դնել մեր հայրենի շենքերի մաքրագերծված ու հարուստ պատմությունը:

Վ. Ս. ՄԱՂԱՆՑԱՆ

Բանասիրական գիտությունների թեկնածու